



Jiwandichile ndawi janti chikusimanikwa mundu jutachiwaga chitamile pa chitengu chakwe nikumsimana nganijakuma kwa une nikuwechetaga kuti: sikati jetu ni sikati jenu tukwete buku ja Qur'an jakutujilanya pa ikandu yatutindene

Ngani jikupitila kwa Miqdad -mwanache jwa Ma'adi Karb- Mlungu asangalale najo juwatite kuti: Mtume jwa Mlungu -chanasa ni utendele wa Mlungu iwe pa Mtumejo watite: "Jiwandichile ndawi janti chikusimanikwa mundu jutachiwaga chitamile pa chitengu chakwe nikumsimana nganijakuma kwa une nikuwechetaga kuti: sikati jetu ni sikati jenu tukwete buku ja Qur'an jakutujilanya pa ikandu yatutindene, yatusimene mu Qur'an mu yakundisye Mlungu, nowe tuitende kuwa yakundisidwa, soni yatusimine mu Qur'an kuwa yailekasidwe, nowe wakwe tuitende kuwa yailekasidwe, nditu ikandu yawalekasisye Mtume jwa Mlungu -chanasa ni utendele wa Mlungu iwe pa jwelejo-, iwele yakulandana ni yawalekasisye Mlungu".

[صحيح] [رواه أبو داود والترمذي وابن ماجه]

Mtume-chanasa ni utendele wa Mlungu ijale kwa jwalakwejo-asasile kuti jiwandichile ndawi janti likupatikana likuga lya wandu watachiwaga wane ali chitamile pa chitengu chawo aku ali asamile mapilo gawo, nitijasimanaga ngani jakuti jityochele kwa Mtume -chanasa ni utendele wa Mlungu iwe pa jwelejo-, nikuwechetaga kuti: Buku jimpaka jitujilanye sikati jetu ni jenu manja mu ikandu yatukutindana ni Buku ja Qur'an jakuchimbichika, jikutukwanila, yatusimine mu buku jelejo mu ikandu yakundisye Mlungu, tuikamulisyeje masengo, nikuti soni yatuipatile mwelelemo mu ikandu yelekasidwe, tulitalikanganye nayo. Kaneko Mtume-chanasa ni utendele wa Mtuwe iwe pa jwelejo-, alongoswele kuti chindu chilichose chawalekasisye Mtumejo kapena kuchikanya kuti wandu akachipanganya kupitila mu nyendele syakwe, iwele yakulanda kumbali ja malamusi ni yalekasisye Mlungu mu buku jakwe(Qur'an; ligongo Mtumejo awele mkuwichisya utenga wa Mlungu jwakwe.

النجاة الخيرية
ALNAJAT CHARITY

